

მსო

ს ს ი პ

საქართველოს ტექნიკური უნივერსიტეტი
ბრძანება

სტუ-ს 147

30.11.09 N 147

/ბაკალავრიატის წარჩინებულ სტუდენტთათვის პრეზიდენტის
სტიპენდიის დანიშვნის წესის განსაზღვრის შესახებ/

„უმალესი განათლების შესახებ“ საქართველოს კანონის, საქართველოს განათლებისა და მეცნიერების მინისტრის „განსაკუთრებით ნიჭიერი ბავშვებისა და ახალგაზრდებისათვის გრანტებისა და სტიპენდიების მინიჭების პროგრამის“ ქვეპროგრამის – „პრეზიდენტის სტიპენდიები ბაკალავრიატის წარჩინებულ სტუდენტებს“ დამტკიცების შესახებ 2009 წლის 24 მარტის N163 ბრძანებაში ცვლილებების შეტანის თაობაზე 2009 წლის 26 ნოემბრის N1048 ბრძანების საფუძველზე და სტუ-ს აკადემიური საბჭოს 2009 წლის 26 ნოემბრის N80 ოქმის (დადგენილება N176) შესაბამისად სტუ-ს ბაკალავრიატის სტუდენტთათვის აღნიშნული სტიპენდიის დანიშვნის წესის განსაზღვრის მიზნით

ვბრძანებ:

1. სტუ-ს 2009 წლის 6 ოქტომბრის N812/05 ბრძანებით გათვალისწინებული 25 ლარიანი სტიპენდიის ნაცვლად ბაკალავრიატის სწავლების II, III და IV წლის საუკეთესო რეიტინგის მქონე სტუდენტებს დაენიშნოთ პრეზიდენტის 150 ლარიანი სტიპენდია 2009 წლის პირველი სექტემბრიდან პირველ იანვრამდე 4 კალენდარული თვის განმავლობაში, ამ ბრძანებით გათვალისწინებული წესის შესაბამისად;
2. პრეზიდენტის სტიპენდიანტების შერჩევა მოხდეს ფაკულტეტის დეკანის ბრძანებით შექმნილი საკონკურსო კომისიების მიერ, წინამდებარე ბრძანებით განსაზღვრული წესის შესაბამისად;
3. საქართველოს ტექნიკური უნივერსიტეტის ბაკალავრიატის სწავლების (ECTS) II, III და IV წლის სტუდენტებს, რომლებსაც 2008-2009 სასწავლო წლის ზაფხულის სესიების შედეგების მიხედვით (რექტორის N4 14.01.2009წ. ბრძანებით განსაზღვრულ საგამოცდო სასესიო ვადებში, 2009 წლის 15 ივნისიდან 3 ივლისის ჩათვლით) აქვთ მაღალი რეიტინგი, მაგრამ არანაკლებ 91%-ისა, შეიძლება დაენიშნოთ პრეზიდენტის სტიპენდია;
4. პრეზიდენტის სტიპენდიანტთა შერჩევას ფაკულტეტისათვის განსაზღვრული კვოტის ფარგლებში თანაბარი რეიტინგის შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა. ასეთ შემთხვევაში გადაწყვეტილებას იღებს ფაკულტეტის საკონკურსო კომისია;

5. თუ რომელიმე ფაკულტეტზე ამ ბრძანებით გათვალისწინებული კრიტერიუმების დაუკმაყოფილებლობის გამო გაუნაწილებელი დარჩა სტიპენდიები, ისინი გადაეცემა საკმარისი რეიტინგის მქონე სხვა ფაკულტეტის სტუდენტს;
6. ამ ბრძანებით განსაზღვრული სტიპენდიანტთა ოდენობის განსაზღვრა მოხდეს ფაკულტეტებზე ბაკალავრიატის სტუდენტთა კონტიგენტის პროცენტული წილის შესაბამისად, სტუ-ს ბაკალავრიატის სტუდენტთა ჯამური რაოდენობებიდან (2009 წლის 20 ოქტომბრის მდგომარეობით):

საძძეხებლო ფაკულტეტი – 10 სტუდენტი;

ენერგეტიკისა და ტელეკომუნიკაციის ფაკულტეტი – 20 სტუდენტი;

სამთო-გეოლოგიური ფაკულტეტი – 8 სტუდენტი;

ქიმიური ტექნოლოგიისა და მეტალურგიის ფაკულტეტი – 11 სტუდენტი;

არქიტექტურის, ურბანისტიკის და დიზაინის ფაკულტეტი – 4 სტუდენტი;

სატრანსპორტო და მანქანათმშენებლობის ფაკულტეტი – 18 სტუდენტი;

ინფორმატიკისა და მართვის სისტემების ფაკულტეტი – 39 სტუდენტი;

ჰუმანიტარულ-სოციალური ფაკულტეტი – 60 სტუდენტი;

7. სტიპენდიანტთა შერჩევის შედეგები გამოიკრას შესაბამის ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებ-გვერდზე;
8. ფაკულტეტების საკონკურსო კომისიების წარდგინების საფუძველზე მომზადდება და გამოიცემა რექტორის ბრძანება პრეზიდენტის სტიპენდიების დანიშვნის თაობაზე;
9. ბრძანება გამოიკრას უნივერსიტეტის ადმინისტრაციულ კორპუსში და ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებ გვერდზე;
10. ბრძანების შესრულებაზე კონტროლი დაევალოს ფაკულტეტების დეკანებს.

რექტორი,
პროფესორი

ა. ფრანგიშვილი

ვიზები:

რექტორის მოადგილე,
პროფესორი *ლ.კლიმიაშვილი*

სწავლების დეპარტამენტის უფროსი,
პროფესორი *ი.ლომიძე*

სამართლებრივი უზრუნველყოფის
სამსახურის უფროსი *ბ. მაისურაძე*

ლ.კლიმიაშვილი